



თვითმმართველი თემი  
თელავის მუნიციპალიტეტის საკრებულო

გ ა ნ კ ა რ გ უ ლ ე ბ ა № 30

„25“ მაისი 2016 წელი

„თვითმმართველი თემი თელავის მუნიციპალიტეტში განსახორციელებელი 2016 წლის  
სოციალური პროგრამების დამტკიცების შესახებ“ თვითმმართველი თემი თელავის  
მუნიციპალიტეტის საკრებულოს 2016 წლის 18 იანვრის №2 განკარგულებაში  
ცვლილების შეტანის შესახებ

საქართველოს ზოგადი ადმინისტრაციული კოდექსის 63-ე მუხლის პირველი ნაწილის  
შესაბამისად,

**მუხლი 1.** „თვითმმართველი თემი თელავის მუნიციპალიტეტში განსახორციელებელი  
2016 წლის სოციალური პროგრამების დამტკიცების შესახებ“ თვითმმართველი თემი  
თელავის მუნიციპალიტეტის საკრებულოს 2016 წლის 18 იანვრის №2 განკარგულებაში  
შეტანილ იქნეს ცვლილება და განკარგულების:

1. დანართი №4-ით დამტკიცებული, ეკონომიურად გაჭირვებულ მოქალაქეთა  
ერთჯერადი დახმარების პროგრამის პირველი მუხლით განსაზღვრული პროგრამის  
საანგარიშო წლის ბიუჯეტი განისაზღვროს 100 000 ლარით.

2. დანართი №4-ით დამტკიცებული, ეკონომიურად გაჭირვებულ მოქალაქეთა  
ერთჯერადი დახმარების პროგრამის მე-4 მუხლი ჩამოყალიბდეს შემდეგი რედაქციით:

„4. საკითხის მოკლე აღწერა, რომლის საფუძველზეც დგება პროგრამა:  
მიუხედავად ქვეყანაში სიღარიბის აღმოსაფხვრელად განხორციელებული მრავალი  
ღონისძიებისა ჯერ კიდევ არიან სიღარიბის ზღვარს მიღმა მყოფი ოჯახები და  
დევნოლები, მათი მძიმე მატერიალური ყოფის შემსუბუქების მიზნით თვითმმართველი  
თემი თელავის მუნიციპალიტეტის გამგეობამ გადაწყვიტა გაგრძელებული „ეკონომიურად  
გაჭირვებულ მოქალაქეთა ერთჯერადი ფულადი დახმარების“ პროგრამა და მისი  
ოდენობა განისაზღვროს 50-100 ლარის ფარგლებში. პროგრამით სარგებლობის უფლება  
აქვთ მუნიციპალიტეტის ტერიტორიაზე რეგისტრირებულ მუდმივად მცხოვრებ პირებს,  
აგრეთვე იმ პირებს რომლებიც არ არიან რეგისტრირებული, მაგრამ ბოლო 1 წლის  
მანძილზე ცხოვრობენ მუნიციპალიტეტის ტერიტორიაზე.“

3. დანართი №4-ით დამტკიცებული, ეკონომიურად გაჭირვებულ მოქალაქეთა ერთჯერადი დახმარების პროგრამის მე-7 მუხლი ჩამოყალიბდეს შემდეგი რედაქციით:  
„7. პროგრამით მოსარგებლე პირთა (მომხმარებელთა) კატეგორია:

ა) მოქალაქეები რომელთა სარეიტინგო ქულა 60.000 -მდეა, იღებენ სოციალურ დახმარებას და პენსიას მათზე ერთჯერადი დახმარება არ გაიცემა.

შენიშვნა: ოჯახებს, რომელთაც ჰყავთ 18 წლამდე ასაკის არასრულწლოვანი ბავშვები ან ოჯახის რომელიმე წევრი ონკოლოგიური სენით არის დაავადებული, მათზე სარეიტინგო ქულებზე შეზღუდვა არ იქნეს გათვალისწინებული. ფულადი დახმარების ოდენობა განისაზღვრება გამგეობაში არსებული ეკონომიურად გაჭირვებული და სოციალურად დაუცველი მოქალაქეების დახმარების გაწევის კომისიის მიერ.“.

4. დანართი №6-ით დამტკიცებული, საცხოვრებლად უვარგისი ბინების მქონე მოქალაქეთათვის დროებითი საცხოვრებელი ბინის ქირით უზრუნველყოფის პროგრამის მე-3 მუხლი ჩამოყალიბდეს შემდეგი რედაქციით:

„3. საკითხის მოკლე აღწერა, რომლის საფუძველზეც დგება პროგრამა: თელავის მუნიციპალიტეტის ტერიტორიაზე რეგისტრირებული ოჯახები, რომლებსაც აქვთ საცხოვრებლად უვარგისი ბინები სადაც ცხოვრება ფაქტიურად შეუძლებელია და საფრთხეს უქმნის მოქალაქეების სიცოცხლეს ან მათ ჯანმრთელობას ან საერთოდ არ გააჩნიათ საცხოვრებელი ბინები, თელავის მუნიციპალიტეტის გამგეობამ გაითვალისწინა რა მათი მძიმე სოციალური მდგომარეობა, გადაწყვიტა ამ ოჯახების წევრების უსაფრთხოების მიზნით მოხდეს მათი ბინის ქირით უზრუნველყოფა გარკვეულ დრომდე 50-დან 100 ლარის ბინის ქირის საფასურის გადახდით.“.

5. დანართი №6-ით დამტკიცებული, საცხოვრებლად უვარგისი ბინების მქონე მოქალაქეთათვის დროებითი საცხოვრებელი ბინის ქირით უზრუნველყოფის პროგრამის მე-5 მუხლის პირველი პუნქტის „გ“ ქვეპუნქტი ჩამოყალიბდეს შემდეგი რედაქციით:

„გ. თელავის მუნიციპალიტეტის საცხოვრებლად უვარგისი და ხანძრის შედეგად დაზიანებული სახლების და შენობა-ნაგებობების შემსწავლელი მუშა ჯგუფის დასკვნა (აქტის ასლი) ბენეფიციართა სახლების მდგომარეობის შესახებ.

შენიშვნა: თუ მოქალაქე უსახლკაროა აქტის დართვა არ არის სავალდებულო.“.

6. დანართი №7-ით დამტკიცებული, მკვეთრად გამოხატული შშმ პირების, დევნილების, მრავალშვილიანი ოჯახების, ტერიტორიული მთლიანობისათვის მებრძოლთა მარჩენალდაკარგული ოჯახების და შშ სტატუსის მქონე ბავშვების ოჯახების ელექტრო ენერგიით უზრუნველყოფის პროგრამის საანგარიშო წლის ბიუჯეტი განისაზღვროს 27 540 ლარით.

7. დანართი №8-ით დამტკიცებული, ახალშობილთა ოჯახების დახმარების პროგრამის მე-4 მუხლი ჩამოყალიბდეს შემდეგი რედაქციით:

„4. საკითხის მოკლე აღწერა და მისი აქტუალობის დასაბუთება, რომლის საფუძველზეც დგება პროგრამა: ყველასათვის ცნობილია თუ რაოდენ მძიმე პერიოდი გაიარა საქართველომ ამ ბოლო წლების განმავლობაში, რამაც გამოიწვია მოსახლეობის მძიმე სოციალურ-ეკონომიური მდგომარეობა, ეს კი თავისთავად აისახა ჩვენი ქვეყნის დემოგრაფიულ მაჩვენებელზე. გარკვეულწილად ამ სერიოზული ეროვნული პრობლემის მოსაგვარებლად საჭიროა სოციალურ სფეროში გატარდეს რიგი ღონისძიებები. სწორედ ამიტომ, რომ თელავის მუნიციპალიტეტის გამგეობაში მუშაობს „ახალშობილთა ოჯახების დახმარების პროგრამა“, რომლის თანახმადაც ყოველ ოჯახში 2015 წლის 1

იანვრიდან სადაც პირველი ან მეორე ბავშვი დაიბადება გაიცემა ერთჯერადი ფინანსური დახმარება. მიზანშეწონილად მიგვაჩნია, რომ დასახელებული პროგრამა გაგრძელდეს 2016 წლის 01 იანვრიდან 2017 წლის 1 იანვრამდე, რომლის საფუძველზეც თითოეულ ასეთ ოჯახზე გაიცემა თანხა პირველ ბავშვზე 100 ლარი, მეორე ბავშვზე 150 ლარი ხოლო ტყუპების დაბადების შემთხვევაში გაიცემა 200 ლარი.“.

8. დანართი №12-ით დამტკიცებული, ეკონომიურად გაჭირვებულ მოქალაქეთა სამედიცინო მომსახურების თანადაფინანსების პროგრამის მთლიანი და საანგარიშო წლის ბიუჯეტი განისაზღვროს 176 500 ლარით.

9. დანართი №12-ით დამტკიცებული, ეკონომიურად გაჭირვებულ მოქალაქეთა სამედიცინო მომსახურების თანადაფინანსების პროგრამის მე-5 მუხლის „ა“ პუნქტი ჩამოყალიბდეს შემდეგი რედაქციით:

„ა. თელავის მუნიციპალიტეტში მცხოვრები სხვადასხვა კატეგორიის ეკონომიურად გაჭირვებული ადამიანების სამედიცინო მომსახურების ან მედიკამენტების ღირებულების თანადაფინანსება სოციალურად დაუცველი და დაბალშემოსავლიანი ფენებისათვის, კერძოდ მარტოხელა დედები, შ.შ.მ პირების ოჯახები, C ჰეპატიტით დაავადებულები, მრავალშვილიანი ოჯახები, ტერიტორიული მთლიანობისათვის მებრძოლთა ოჯახები და ისეთი ოჯახები, რომლებიც არ არიან გაჭირვებულები, მაგრამ მოულოდნელად შეექმნათ ისეთი ჯანდაცვის პრობლემა, რომლის გადაწყვეტასაც ვერ ახერხებს ოჯახი დამოუკიდებლად.

10. დანართი №12-ით დამტკიცებული, ეკონომიურად გაჭირვებულ მოქალაქეთა სამედიცინო მომსახურების თანადაფინანსების პროგრამის მე-9 მუხლის „ე“ პუნქტი ჩამოყალიბდეს შემდეგი რედაქციით:

„ე) აფთიაქის ინვოისი (წამლების ჩამონათვალი განსაზღვრული ღირებულებით).

განცხადებებს თანდართულ დოკუმენტაციასთან ერთად იხილავს გამგეობის დახმარების გაწევის კომისია და იღებს გადაწყვეტილებას, თუ რომელ ბენეფიციარს რა რაოდენობის თანხით გაეწევა დახმარება. სამედიცინო მომსახურების დახმარების თანხა განისაზღვროს 500 ლარით.

შენიშვნა: ისეთი სახის ოპერაციები რომელიც არ ფინანსდება სახელმწიფო საყოველთაო დაზღვევის მიერ, მაგრამ მოითხოვს აუცილებლობას, თუ პიროვნება არის შ.შ მქონე და მისი სარეიტინგო ქულები არ აღემატება 150 000 ქულას, ოპერაციის ღირებულება შეადგენს 4 000 ლარს და ზევით, ასეთ კატეგორიაზე სამედიცინო დაფინანსება მოხდეს 1500 ლარამდე კომისიის გადაწყვეტილებით.

გამოკვლევების თანხის ოდენობაა არაუმეტეს 400 ლარი, ხოლო მედიკამენტებისა და სპეციალური სამედიცინო ინვენტარის შესაძენად 200 ლარი.

ხოლო ისეთი კატეგორია, რომელიც არ არის რეგისტრირებული სოციალური მომსახურების სააგენტოში ან აქვს ქულა 150 000 -ის ზევით, სამედიცინო მომსახურების თანადაფინანსება მოხდეს არაუმეტეს 250 ლარის, ასევე გამოკვლევების, სამედიცინო მედიკამენტებისა და სპეციალური სამედიცინო ინვენტარის შესაძენად დაფინანსება მოხდეს 150 ლარის ოდენობით.

შენიშვნა: ოჯახებს, რომელთაც ჰყავთ 18 წლამდე ასაკის არასრულწლოვანი ბავშვები ან ოჯახის რომელიმე წევრი ონკოლოგიური სენით არის დაავადებული, მათზე სარეიტინგო ქულებზე შეზღუდვა არ იქნეს გათვალისწინებული. ფულადი დახმარების ოდენობა

განისაზღვრება გამგეობაში არსებული ეკონომიურად გაჭირვებული და სოციალურად დაუცველი მოქალაქეების დახმარების გაწევის კომისიის მიერ.

დაფინანსების მიღებისათვის საჭირო დოკუმენტაციის (განცხადების) წარდგენა ბენეფიციარის მიერ კომისიის გადაწყვეტილებით უკიდურეს შემთხვევაში სამედიცნო მომსახურების გაწევიდან ორი კვირის ვადაში.

კომისიის მიერ განსაზღვრულ თანხაზე საგარანტიო წერილი გაიცემა პაციენტის სახელზე.


11. დანართი №13-ით დამტკიცებული, სახელმწიფო-საბიუჯეტო ორგანიზაციებში საწარმოო ტრამვის შედეგად დაზარალებულ პირებზე დახმარების პროგრამის დაწყების და დასრულების დრო განისაზღვროს 2016 წლის 01 იანვრიდან 2017 წლის 01 იანვრამდე და მისი მთლიანი ბიუჯეტი განისაზღვროს 3860 ლარით.

მუხლი 2. განკარგულება ძალაში შევიდეს გამოქვეყნებისთანავე;

მუხლი 3. განკარგულების გასაჩივრება შესაძლებელია თელავის რაიონულ სასამართლოში, მისი ძალაში შესვლიდან 1 თვის ვადაში (მის: ქალაქი თელავი, დავით აღმაშენებლის გამზირი №41).

საკრებულოს თავმჯდომარე



 პაატა გიორგობიანი